

OBISPO EDO APEZPIKU JAUNARI E R R I C H I K I B A T I A N .

*Ongi etorri izan dedilla
Aita maitea gugana,
Gugandik esker milla ta milla
Ondo merezi duana.*

Batayatzian ematen zaigu
Jesu-Kristoren grazia,
Zeña dan gure zori-onean
Animarentzat bizia;
Sendotu bizi au eta dezan
Izan iraupen luzia,
Konfirmatzian zaigu ematen
Bear dan indar guzia.

Ongi, etorri etc.

Kristau maiteak, dezagun arren
Atera ondo kontua,
Konfirmatzian gugana jeisten
Da Espiritu-Santua;
¡O sakramentu miragarriya
Aññ andi eta santua,
Alabatzeko bear bezala
Betor Aingeru-kantua.

Ongi etorri etc.

Krisma santuak bekokietan
Siñalatuko gu gaitu,
Ez gera bear Kristau izatez
Ez lotsatu, ez gogaitu
Baña bai etsai guziak, errez
Gurutziakin garaitu
Eta Jesus-i bizi guzian
Gogoz ondoren jarraitu.

Ongi etorri etc.

Konfirmatzian gera Jesus-en
Soldadu leyal gerrari,
Gerra egiten etsai danei
Eta infernu berari;
Izanagatik mundu onetan
Etsai gaiztoak ugari,
Beldur zaizkie konfirmaturik
Dauden edozein Kristauri.

Ongi etorri etc.

Goguan degu batayatzian
Egin zitzaigun galdia,
Erantzunikan nai genduela
Elizagandik fedeari;
Konfirmaturik ondo gordeko
Degu Zeruko bidia,
Jesus-ek gorde guretzat dezan
Bere eskuiko aldia

Ongi etorri etc.

Nola Zerua edertzen duten
Argiro dauden odeyak,
Ala animak edertzen ditu
Zerutikako doayak;
Aita bat duten seme guziak
Dira elkarren anayak,
Gure biotzak egun onetan
Biziro daude alayak.

Ongi etorri etc.

Obispo jauna aditu bitza
Itzcho bi gure aotik
¿Nola pagatu genezakio,
Egin duena gugatik?
Aita maitea, penaz aldentzen
Gera bedorren ondotik,
Zeruan alkar ikusitzeko
Eska dezagun gogotik.

Ongi etorri etc.

PEDRO MIGUEL DE URRUZUNO.